

Na osnovu člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11), a u skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i pomagala po predmetima za osnovne škole („Službene novine Kantona Sarajevo“, broj 16/07), člana 100. Pravila JU OŠ „Alija Nametak“ Sarajevo, Školski odbor JU OŠ „Alija Nametak“ Sarajevo na XX sjednici, održanoj dana 27.4.2017. godine donio je

## **P R A V I L N I K O VIDEONADZORNOM SISTEMU**

U JU OŠ „ALIJA NAMETAK“ SARAJEVO

### **I PREDMET PRAVILNIKA**

#### Član 1.

Pravilnikom o videonadzornom sistemu u JU OŠ „Alija Nametak“ Sarajevo ( u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

### **II ODLUKA O VIDEONADZORNOM SISTEMU**

#### Član 2.

Školski odbor JU OŠ „Alija Nametak“ donosi odluku o uvođenju videonadzornog sistema u JU OŠ „Alija Nametak“ Sarajevo.

#### Član 3.

Bliže odredbe o uspostavi, svrhi, upotrebi, zaštiti i obradi ličnih podataka i završnim odredbama vezanim za video nadzor definišu se ovim Pravilnikom.

### **III ZAKONSKI OKVIR**

#### Član 4.

Zakon o zaštiti ličnih podataka Bosne i Hercegovine član 21.a predviđa uspostavu videonadzornog sistema.

#### Član 5.

U skladu sa Pedagoškim standardima i općim normativima za osnovni odgoj i obrazovanje i normativa radnog prostora , opreme, nastavnih sredstava i učila po predmetima za osnovnu školu predviđena je uspostava odgovarajućeg videonadzornog sistema u osnovnim školama.

#### **IV SVRHA VIDEONADZORNOG SISTEMA**

##### **Član 6.**

Svrha uspostavljanja videonadzornog sistema u JU OŠ“ Alija Nametak“ Sarajevo jeste neophodna optimizacija sigurnosti učenika, uposlenika, roditelja i posjetioca škole, u toku nastavnog procesa u prostoru škole i školskog dvorišta; sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora); u svrhe predviđene Pravilnikom o kućnom redu sa etičkim kodeksom JU OŠ „Alija Nametak“ Sarajevo.

##### **Član 7.**

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

#### **V OPSEG PODATAKA VIDEONADZORA**

##### **Član 8.**

Videonadzorni sistem škole obuhvata :

- a) Unutrašnje kamere i vanjske kamere
- b) Nadzorne kamere imaju IR noćno snimanje i osjetljive su na pokret.
- c) Uređaj za pohranu videozapisa deponuje i arhivira videozapise minimalno 2 sedmice, nakon čega se isti automatski brišu.

##### **Član 9.**

Unutrašnje kamere pokrivaju glavne koridore, hodnike i komunikacije unutar škole.

##### **Član 10.**

Vanjskim kamerama vrši se nadzor nad školskim dvorištem ispred škole, školskim vrtom, nad nužnim izlazom za vanredne okolnosti.

Vanjskim kamerama nadzire se isključivo imovina škole i u svom opsegu nemaju susjedne objekte niti se na njima nadzire bilo čija imovina.

##### **Član 11.**

Na ulazu u školu i oko školskog dvorišta postavljaju se vidljivi znaci obavijesti:

#### **PAŽNJA OBJEKAT POD VIDEONADZOROM.**

Znak na samom ulazu u školu sadrži i kontakt telefone preko kojih se mogu dobiti opće informacije o videonadzoru.

## **VI UPOTREBA PODATAKA**

### **Član 12.**

Uređaj za snimanje i administratorski centar videonadzornog sistema nalazi se upornici škole. Direktor škole može ovlastiti drugo lice škole da imaju pristup administraciji videonadzornog sistema škole u svojstvu kontrolora, kada direktor nije prisutan u školi.

### **Član 13.**

- a) Kontrolor videonadzornog sistema jeste direktor škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.
- c) Podacima u smislu stava b) ovoga člana ovoga člana ovlašteno lice, u skladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja.

### **Član 14.**

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

### **Član 15.**

Monitoring u realnom vremenu nad videonadzorom imaju i druga lica koja ovlasti direktor škole (domari...), bez mogućnosti pristupa snimcima, već isključivo praćenja u realnom vremenu.

## **VII ZAŠTITA LIČNIH PODATAKA**

### **Član 16.**

U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na određenom prostoru na osnovu koji se može identificirati nosilac podataka predstavljaju zbirku ličnih podataka.
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu provatnosti i ličnog života nosioca podataka, ako videonadzor nije propisan zakonom.
- c) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru.

Direktor, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimkama dopušteno je samo direktoru škole.

#### Član 17.

Evidencija nad zbirkom ličnih podataka u smislu tehničke izvedbe videonadzornog sistema (arhivski videozapisi) definiše se članom 13. Zakona o zaštiti ličnih podataka Bosne i Hercegovine.

#### Član 18.

Pravilnik podrazumijeva poštivanje člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika.

### **VIII PRELAZNE I ZAVRŠNE ODREDBE**

#### Član 19.

Ovaj Pravilnik stupa na snagu osmog dana od dana objave na oglasnoj tabli Škole.

#### Član 20.

Za tumačenje odredbi ovog pravilnika nadležan je Školski odbor.

#### Član 21.

Javnost se upozna sa sadržajem ovoga Pravilnika putem službene web stranice škole. Pravilnik o videonadzoru JU OŠ "Alija Nametak" Sarajevo je objavljen na oglasnoj tabli Škole dana 27.4.2017. godine, a stupio je na snagu 6.5.2017. godine.

Broj: 02-311/17  
Datum: 27.4.2017.

PREDSJEDNICA ŠKOLSKOG ODBORA  
Ismeta Brajlović, prof.

BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
JU OŠ «ALIJA NAMETAK» SARAJEVO

Broj: 02-311-1/17

Datum: 27.4.2017. godina

Na osnovu člana 90. Zakona o osnovnom odgoju i obrazovanju («Službene novine Kantona Sarajevo» broj: 10/04, 21/06, 26/08, 31/11 i 1/16), člana 100. i 130. Pravila JU OŠ „Alija Nametak“ Sarajevo (broj: 02-219/15 od 10.6.2015. godine), Školski odbor Javne ustanove Osnovna škola „Alija Nametak“ Sarajevo na redovnoj XX sjednici, održanoj 27.4.2017. godine, donosi slijedeću

## O D L U K U

o usvajanju Pravilnika o videonadzorom sistemu

### I

Usvaja se Pravilnik o videonadzornom sistemu u Javnoj ustanovi Osnovnoj školi „Alija Nametak“ Sarajevo.

### II

Ovaj Pravilnik stupa na snagu osmog dana od dana objavljivanja na oglasnoj tabli škole.

PREDSJEDNICA ŠKOLSKOG ODBORA

Ismeta Brajlović, prof.

BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
JU OŠ „ALIJA NAMETAK“ SARAJEVO  
Školski odbor

Broj: 02- 305/17  
Datum: 27.4.2017.

Na osnovu člana 100. Pravila JU OŠ „Alija Nametak“ Sarajevo , a u skladu sa članom 21a. Zakona o zaštiti ličnih podataka („Službeni glasnik BiH“ broj: 49/06 i 76/11), Školski odbor JU OŠ „Alija Nametak“ Sarajevo na redovnoj XX sjednici, održanoj 27.4.2017. godine, d o n o s i

## **O D L U K U**

### **o vršenju video nadzora**

#### I

Video nadzor se vrši sa ciljem dodatnog osiguranja objekta JU OŠ „Alija Nametak“ Sarajevo (u daljem tekstu: Škola), dokumentacije i evidencije koju vodi škola, kao i radi sigurnosti učenika i radnika škole.

Video nadzor se može uspostaviti i voditi na bilo kojem mjestu u zgradi i prostorijama pod vlasništvom škole, osim sanitarnih prostorija, radi poboljšanja bezbjedonosnih uslova u školi, kontrole ulaska i izlaska iz škole, zaštita imevine škole i radnika, zaštita dokumentacije ličnih podataka koji se vode u postojećim evidencijama.

#### II

S ciljem osiguranja zakonitog postupanja sa video zapisima, podaci na video zapisu, kao i svi drugi podaci koji su nastali usljed upotrebe video zapisa nose oznaku „povjerljivo“, te za zaposlenike koji ih čuvaju i pregledaju predstavljaju službenu tajnu.

#### III

Video zapis snimljen video nadzorom mogu koristiti policijski službenici, direktor i zaposlenici koje direktor škole odredi za pregled i korištenje podataka (sekretar škole, domar škole, noćni čuvari ), koji se može koristiti u svrhu kontrole i evidencije prekršaja i kao i za moguće potrebe preispitivanja disciplinske odgovornost učenika i radnika.

Pregledane snimke na kojima se utvrdi počinitelj disciplinskog djela, prekršaja i radnje koja predstavlja povredu učeničke i radne dužnosti, čuvaju se za potrebe vođenja disciplinskog postupka, kako za učenike tako i za nastavnike u skladu sa propisima koji regulišu navedenu materiju.

#### IV

Škola je dužna na vidnom mjestu istaći javnu obavijest kojom će građani, roditelji, učenici, radnici biti obavješteni da se vrši video nadzor u školi.

#### V

Sustav video nadzora koji se koristi za vršenje video nadzora će biti zaštićen od pristupa neovlašćenih osoba.

#### VI

Škola će uspostaviti i voditi evidenciju u vidu knjige, ovjerenu pečatom škole, o pregledu video nadzora i svim dešavanjima i evidencijama na video nadzoru, kao i o korištenju podataka iz evidencije o video nadzoru.

#### VII

Odluka se obavezno objavljuje na oglasnoj tabli škole, a stupa na snagu danom donošenja.

PREDSJEDNICA ŠKOLSKOG ODBORA  
Ismeta Brajlović

Dostavljeno:

1. Oglasna tabla
2. a/a

